

"Solari" u prvoj pripremnoj utakmici deklasirali ekipu Osijeka



U prvoj kontrolnoj utakmici od početka priprema, rukometaši tuzlanske Slobode pobijedili su večeras u dvorani Mejdan ekipu hrvatskog prvoligaša Osijeka rezultatom 35:26 (15:16).



Gosti su poluvrijeme riješili u svoju korist, ali su u nastavku domaći igrači pokazali da su kvalitetnija i trenutno spremnija ekipa i ostvarili su ubjedljivu pobjedu.

Iako je riječ o prijateljskoj utakmici, igralo se žustro sa ukupno 26 minuta isključenja, od kojih su domaći igrači na klupi za kažnjene proveli 14 minuta.

Zbog povrede nosa na sinočnjem treningu, u igru nije ulazio Enes Skopljak.

Najefikasniji u pobjedničkom sastavu bili su Abdurahmanović sa 7, Kadić sa 6, te Manjić i Suhonjić sa po 5 golova.

U ekipi Osijeka Vuković je postigao 5, a Pleše i Simatić po 3 gola. (F, tl)

Date: 17-08-2019